

增壹阿含經

籍

第五十

三百七十
松十

49461



持谷輪
金輪
置

增壹阿含經卷第五十

松

符秦建元年三藏曇摩難提譯

大愛道般涅槃品第五十二

聞如是一時佛在舍衛國祇樹給孤獨園
爾時有一比丘至世尊所頭面禮足在一面坐
爾時彼比丘白世尊曰劫爲長遠佛告此丘
劫極長遠不可以筭籌量我今當與汝譬
喻善思念之吾今當爲汝說爾時彼比丘從
佛受教世尊告曰譬如大石山縱廣一由旬
高一由旬設有人來手執天衣百歲一拂石
猶摩滅劫數難限所以然者劫數長遠無有
邊際如此非一劫百劫所以然者生死長遠

不可限量無有邊際衆生之類無明所蔽流浪生死無有出期死此生彼無有窮已我於其中厭患生死如是比丘當求巧便免此愛著之想尔時諸比丘聞佛所說歡喜奉行聞如是一時佛在舍衛國祇樹給孤獨園尔時世尊告諸比丘隨時聞法有五功德恒不失時云何爲五未曾聞法便聞之已聞便受持除去狐疑亦無邪見解甚深之法是謂比丘隨時聞法有此五功德是故比丘常當念聽甚深之法此是我之教誡如是比丘當作是學尔時諸比丘聞佛所說歡喜奉行聞如是一時佛在毗舍離摩訶婆那園中與

大比丘衆五百人俱。爾時師子大將便往至
世尊所。頭面禮足。在一面坐。爾時如來告大
將曰。施主檀越有五功德。云何爲五。於是施
主名聞遠布。某甲村中有此好施之人。周窮
濟乏。無所愛惜。是謂師子大將第一功德。由
施主所致。復次師子大將。施主檀越若至刹

利衆。婆羅門衆沙門衆中。皆無所畏。亦無疑
難。是謂師子第二功德。復次施主檀越。多爲
人所愛念。普來宗仰。如子愛母。其心不相離
施主亦復如是。多爲人愛。復次師子施主檀
越。布施之時。發歡喜心。以有歡心。則有悅豫
意。性堅固。是時便自覺有樂。有苦亦不變悔。

如實自知云何自知知有苦諦苦習苦盡苦
出要諦如實知之尔時世尊便說斯偈

施為眾福具 而逮第一義 其能憶施者

便發歡悅心

復次師子長者施主檀越布施之時身壞命
終生三十三天又有五事勝彼諸天云何為

五一者顏貌豪貴威神光明二者所欲自在
無事不果三者若檀越施主生人中者值富
貴家四者饒財多寶五者言從語用是謂師
子檀越有此五功德引入善道尔時師子大將聞
佛所說歡喜踊躍不能自勝前白佛言唯願世
尊及比丘僧當受我請尔時世尊默然受請時

師子大將已見世尊默然受請即從坐起頭面
禮足便退而去還至家中辦具種種飲食敷好
坐具即白時至今正是時唯願大聖垂愍臨顧
尔時世尊到時著衣持鉢將比丘衆前後圍
遶至大將家各次第坐手自斟酌行種種飲
食尔時大將行食之時諸天在虛空中而告
之曰此是阿羅漢斯人向阿羅漢施此得福
多施此得福少此是阿那含此人向阿那含
此人是斯陀含斯人向斯陀含道此人是須
陀洹斯人向須陀洹道是人七生往返此人
一生此是持信此人奉法此是利根此是鈍
根此人下卑此人精進持戒此人犯戒施此

人得福多施此得福少時師子大將聞諸天
語已亦不經懷見如來食已訖除去鉢器更
取小座在如來前坐

尔時師子大將白世尊言我向者有諸天來
至我所而告我曰從羅漢至犯戒皆具白如
來雖聞斯言亦不經懷亦復不生此念我當
捨此施此然我復生斯念應施一切衆生有
形之類由食而存無食則喪我躬自從如來
聞說斯偈恒在心懷而不忘失云何爲一偈
施當普平等 終不有所逆 必當遇賢聖
緣斯而得度

是謂世尊斯偈所說我躬從如來聞之恒念

奉行佛告大將善哉善哉斯名菩薩之心平
等惠施若菩薩布施之時亦不生此念我當
與此置此恒有平等而惠施亦復有此念一
切衆生有食則存無食則喪菩薩行施之時
亦復思惟此業便說斯偈

夫人修其行

行惡及其善

彼彼自受報

行終不衰耗

如人尋其行

即受其果報

爲善獲其善

作惡受惡報

爲惡及其善

隨人之所習

如似種五穀

各獲其果實

師子大將當以此方便知善惡故各有其行
所以然者從初發意至于成道心無增減不
選擇人亦不觀其地是故師子若欲惠施之

時恒念平等勿興是非之心如是師子當作
是學尔時世尊復說喞曰

施歡人所愛 衆人所稱歎 所至無疑難

亦無嫉妬心 是故智者施 除去諸惡想

長夜至善處 諸天所嘉歎

尔時世尊說斯語已便從座起而去尔時師

子聞佛所說歡喜奉行

聞如是一時佛在舍衛國祇樹給孤獨園尔
時波斯匿王往到世尊所頭面礼足在一面
坐是時波斯匿王白世尊言夫施之家當於
何處施世尊告王隨心所歡便於彼施王復
白佛爲施何處得大功德佛告王曰汝前所

問當施何處今復問獲福功德王白佛言我
今問如來爲施何處獲其功德佛告王曰吾
今還問王隨所樂還報吾云何大王若有利
利子來婆羅門子來然愚惑無所知心意錯
乱恒不一定來至王所而問王言我等當恭
奉聖王隨時所須云何大王須此人在左右乎
王白佛言不須也世尊所以然者由彼無有
黠慧心識不定不堪俟外敵之所致也
佛告王曰云何大王若刹利婆羅門種多諸
方便無有恐難亦不畏懼能降外敵來至王
所而白王言我等隨時瞻奉聖王唯願垂恩
當見納受云何大王當受斯人不乎王白佛

言唯然世尊我等當納受斯人所以然者由
彼人堪任俟外敵無有畏難亦復不恐懼

佛告王曰今比丘亦復如是諸根完具捨五
成六護一降四施此之人獲福最多王白佛
言云何比丘捨五成六護一降四佛告王曰
於是比丘貪欲蓋瞋恚蓋睡眠蓋調戲蓋疑
蓋如是比丘名為捨五云何比丘成就六王
當知之若比丘見色已不起色想緣此護眼
根除去惡不善念而護眼根若耳鼻舌身意
不起意識而護意根如是比丘成就六云何
比丘而護一於是比丘繫念在前如是比丘
而護一云何比丘而降四於是比丘降身魔

欲魔死魔天魔皆悉降伏如是比丘降伏於
四如是大王捨五成就六護一降四施如此
之人獲福難量夫爲邪見與邊見相應如斯
之人施蓋無益時王白佛言如是世尊施斯
之人其福難量若比丘成就一法福尚難量
何況餘者云何爲一法所謂身念是也所以
然者屢捷子恒計身行不計口行意行佛告
王曰屢捷子者愚惑意常錯亂心識不定是
彼師法故致斯言耳彼受身行報口行之報
蓋不足言意行無形而不可見王白佛言此
三行中何者最重身行耶口行耶意行耶
佛告王曰此三行之中意行最重口行身行

蓋不足言王白佛言復何因緣故說念意最
為第一佛告王曰夫人所行先意念然後口
發口已發便身行殺盜婬舌根不定亦無端
緒正使彼人命終身根舌根在大王彼人何
以故身口不有所說耶王白佛言彼人以無
意根故致斯變耳佛告王曰當以此方便知
意根最為重餘二者輕尔時世尊便說斯偈
心為法本 心尊心使 心之念惡 即行即施
於彼受苦 輪轆于轍 心為法本 心尊心使
中心念善 即行即為 受其善報 如影隨形
尔時波斯匿王白世尊言如是如來為惡之
人身行惡隨行墮惡趣佛告王言汝為觀何

等義而來問我爲施何人獲福益多王白佛
言我昔至旃提子所問旃提子曰當於何處
惠施旃提子聞我所問已更論餘事亦不見
報時旃提子語我言沙門瞿曇作是說施我
得福多餘者無福當施我弟子不應施餘人
其有人民施我弟子者其福不可量也

佛告王曰尔時爲云何報之王白佛言時我
便作是念或有斯理惠施如來其福難量今
故問佛爲與何處其福難量然今世尊不自
稱譽亦不毀人佛告王曰我亦不作是說施
我得福多餘者不得福但我今日所說鉢中
遺餘持與人者其福難量以清淨之心著淨

水中普生斯念斯中有形之類蒙祐無量何
況人形但大王我今所說施持戒人其福難
量與犯戒人者蓋不足言大王當知如田家
子善治其地除去穢惡以好穀子著良田中
於中獲子無有限重亦如田家子不修治地
亦不除去穢惡而下穀子後所收蓋不足言
今比丘亦復如是若比丘捨五成就六護一
降四如斯之人其施惠者其福無量與邪見
之人蓋不足言猶如大王刹利種婆羅門種
意無疑難能降外敵當觀亦如羅漢之人彼
婆羅門種意不專定者當觀如邪見之人時
波斯匿王白世尊言施持戒之人其福難量

自今已後其來求索者終不違逆若復四部
之衆有所求索者亦不逆之隨時給與衣被
飲食牀卧具亦復施與諸梵行者佛告之曰
勿作是說所以然者施畜生之類其福難量
況復人身乎但我今日所說者施持戒人難
計非犯戒人波斯匿王白佛言我今重復自
歸然世尊慇懃乃至於斯外道異學恒誹世
尊又且世尊恒歎譽彼人外道異學貪著利
養又復如來不貪利養國事猥多欲還所止
佛告王曰宜知是時尔時波斯匿王聞佛所
說歡喜奉行

聞如是一時佛在舍衛國祇樹給孤獨園尔

時波斯匿王殺庶母百子即懷變悔我造惡
原極爲甚多復用此爲由王位故殺此百
人誰能堪任除我愁憂時波斯匿王復作是
念唯有世尊能去我憂耳時復作斯念我今
不宜懷此愁憂默然至世尊所當駕王威至
世尊所時波斯匿王告群臣曰汝等催駕羽
寶之車如前王法欲出舍衛城親近如來群
臣聞王教已即時嚴駕羽寶之車即來白王
言嚴駕已訖王知是時時波斯匿王即乘羽
寶之車椎鍾鳴鼓懸繒幡盖人民之徒皆著
鎧器諸臣圍遶出舍衛城往至祇桓步入祇
桓精舍如前王法除五威儀盖天冠拂劔履

履盡捨之至世尊所頭面布地復以手摩如
來足普自陳啓我今悔過改往修來愚惑不
別真偽殺庶母百子由王威力故今來自悔
唯願納受佛告王曰善哉大王還就本位今
當說法時波斯匿王即從坐起禮世尊足還
詣本位

佛告王曰命極危脆極壽不過百年所出無
幾人壽百年計三十三天一日一夜計彼日
夜三十日爲一月十二月爲一歲彼三十三天
正壽千歲計人中壽壽十二萬歲復計還活
地獄中一日一夜復計彼日夜三十日爲一
月十二月爲一歲還活地獄中五千歲或壽

半劫或壽一劫隨人所作行或有中天者計
人中之壽百億之歲智者恒念普修此行我
復用此惡為樂少苦多其殃難計是故大王
莫由己身父母妻子國土人民施行罪業亦
莫為王身故而作罪本猶如石蜜為初甜後
苦此亦如是於短壽之中何為作惡大王當
知有四大畏恒逼人身終不可制却亦復不
可呪術戰鬪藥草所能抑折所謂生老病死
亦如四大山從四方來各各相就摧壞樹木
皆悉磨滅此四事亦復如是大王當知若生
來時使父母懷憂愁苦惱不可稱計若老來
至無復少壯壞敗形貌支節漸緩若病來至

丁壯之年無復氣力轉轉命促若死來至斷
於命根恩愛別離五陰各散是謂大王有此
四大皆不得自在若復有人親近殺生受諸惡
原若生人中壽命極短若人習盜後生貧困
衣不蓋形食不充口所以然者皆由取他財
物故致斯變若生人中受苦無量若人他姪
後生人中妻不貞良若人妄語後生人中言
不信用爲人輕慢皆由前世詐稱虛僞故若
人惡言受地獄罪若生人中顏色醜陋皆由
前世惡言故獲斯報若人綺語受地獄罪若
生人中家中不和恒被鬪亂所以然者皆由
前身所造之報若人兩舌鬪亂彼此受地獄

罪若生人中室家不和恒有諍訟所以然者
皆由前世鬪亂彼此之所致若人喜憎嫉受
地獄罪若生人中爲人所憎皆由前世行本
之所致也若人興謀害之心受地獄罪若生
人中意不專定所以然者皆由前世興斯心
故若復有人習於邪見受地獄罪若生人中
聾盲瘖瘂人所惡見所由尔者皆因前世行
本所致也是謂大王由此十惡之報致斯殃
豐受罪無量況復外者乎是故大王當以法
治化莫以非法以理治民亦莫非理大王諸
以正法治民者命終之後皆生天上正使大
王命終之後人民追憶終不忘矣名稱遠布

大玉當知諸以非法治化人民死後皆生地獄中是時獄卒以五縛繫之其中受苦不可稱量或鞭或縛或捶或解諸支節或取火炙或以融銅灌其身或剥其皮或以革著腹拔其舌或刺其體或鋸解其身或鐵臼中擣或輪壞其形使走刀山劒樹不令停息抱熱銅柱或挑其眼或壞耳根或截手足耳鼻以截復生復舉身形著大鑊中復以鐵叉擾動其身不令止任復從鑊中出生拔脊筋持用治車復使入熱灰地獄中復入熱屎地獄中復入剗地獄中復入灰河地獄中復入刀樹地獄中復令仰卧以熱鐵丸使令食之腸胃五

藏皆悉爛盡從下而過復以融銅而灌其口
從下而過於中受苦惱要當罪畢然後乃出
如是大王衆生入地獄其事如是皆由前世
治法不整之所致也尔時世尊便說斯偈
百年習於欲 後故入地獄 斯意何足貪
受罪難稱計

大王以法治化自濟其身父母妻子奴婢親
族將護國事是故大王常當以法治化莫以
非法人命極短在世須臾間耳生死長遠多
諸畏難若死來至於中啼哭骨節離解身體
煩疼尔時無有救者非有父母妻子奴婢僕
從國土人民所能救也有此之難誰堪代者

唯有布施持戒語常和悅不傷人意作衆功
德行諸善本亦時世尊便說斯偈

智者當惠施 諸佛所嘉歎 是故清淨心

勿有懈慢意 爲死之所逼 受大極苦惱

至彼惡趣中 無有休息時 若復欲來時

極受於苦惱 諸根自然壞 由惡無休息

若醫師來時 合集諸藥草 不遍其身體

由惡無休息 若復親族來 問其財貨本

耳亦不聞聲 由惡無休息 若復移在地

病人卧其上 形如枯樹根 由惡無休息

若復以命終 身冷識已離 形如墻壁土

由惡無休息 若復彼死屍 親族舉豕鬮

彼無可恃者。唯福可怙耳。

是故大王當求方便施行福業。今不為者。後悔無益。尔時世尊便說斯偈。

夫為作福者。常當離苦患。造福受其報。

今世亦後世。

是故大王當念作福。尔時世尊便說斯偈。

如來由福力。降伏魔官屬。今已逮佛力。

是故福力尊。

是故大王當念作福。為惡尋當悔過。更莫復犯。尔時世尊便說斯偈。

雖為極惡原。悔過漸復薄。是照於世間。

根本皆消滅。

是故大王莫由己身修行其惡莫爲父母妻
子沙門婆羅門施行於惡習其惡行如是大
王當作是學尔時世尊便說斯偈

非父母兄弟

亦非諸親族

能免此患者

皆捨歸於死

是故大王自今已後當以法治化莫以非法
如是大王當作是學尔時波斯匿王聞佛所
說歡喜奉行

聞如是一時佛在舍衛國祇樹給孤獨園尔
時國王波斯匿夜夢見十事王即覺寤大用
愁怖懼畏亡國及身妻子明日即召公卿大
臣明智道士婆羅門能解夢相者悉來集會

王即爲說夜夢十事誰能解者婆羅門言我能解之恐王聞之即當不樂王言便說之婆羅門言當亡國王及王太子王妻王言諸人寧可襍禡不耶婆羅門言斯事可襍禡之當殺太子及王所重大夫人邊傍侍者僕從奴婢并所貴大臣以用祠天王所有卧具珍琦寶物皆當火燒以祠於天如是王身及國可盡無他王聞婆羅門言大用愁憂不樂却入齋室思念此事王有夫人名曰摩利就到王所問王意故何以愁憂不樂妾身將有過於王耶王言卿無過於我但莫問是事卿儻聞之令汝愁怖夫人荅王不敢愁怖王言

不須問也聞者卿怖夫人言我是王身之半
有急緩當以告我就當殺妾一人大王安隱
不以爲怖願王說之王即爲夫人說昨夜夢
見十事一者見三釜羅兩邊釜滿中央釜空
兩邊釜沸氣相交往不入中央空釜中二者
夢見馬口亦食屍亦食三者夢見大樹生華
四者夢見小樹生菓五者夢見一人索繩然
後有羊羊主食繩六者夢見狐坐金牀上食
以金器七者夢見大牛還從犢子噉乳八者
夢見黑牛群從四面鳴吼來相趣欲鬪當合
未合不知牛處九者夢見大陂池水中央濁
四邊清十者夢見大溪水波流正赤夢見已即

寤大用惶怖恐亡國及身妻子人民今召公
卿大臣道人婆羅門能解說者時有一婆羅
門言當殺王太子所重夫人大臣奴婢以祠
於天以故致愁耳夫人報言大王莫愁夢義
如人行買金又以火燒兼石上磨好惡自現
今佛近在祇桓精舍可往問佛佛解說者可
隨佛說云何信此狂癡婆羅門語以自愁苦
乃至於斯王方喜寤即召左右傍臣速嚴駕
車騎王乘高蓋之車乘騎從數千万人出舍
衛城到祇桓精舍下步到佛所頭面礼足長
跪叉手前白佛言昨夜夢見十事願佛哀我
事事解說

佛告王曰善哉大王王所夢者乃爲將來後
世現瑞應耳後世人民不畏禁法普當姪姪
貪著妻息放情姪姪無有馱足妬忌愚癡不
知慚愧貞廉見棄佞諂亂國王夢見三釜羅
兩邊釜滿中央釜空兩邊釜沸氣相交往不
入中央空釜中者後世人民皆當不給足養親
貧窮同生不親近反親他人富貴相從共相
饋遺王夢見一事正爲此耳王夢見馬口亦
食屎亦食後世人民大臣百官長吏公卿稟食於
官復食於民賦斂不息下吏作姦民不得寧不安
舊土王夢見二事正爲此耳王夢見大樹生
華後世人民多逢驅役心惟焦意惱常有愁怖

年未滿三十頭鬚皓白王夢見三事正爲是耳王夢見小樹生菓後世女人年未滿十五便行求嫁抱兒來歸不知慚愧王夢見四事正爲是耳王夢見一人索繩後有羊羊主食繩末後世人夫背行賈或入軍征遊伴街里朋黨交戲不肖之妻在家與他男子私通棲宿食啖夫財快情恣欲無有愧陋夫亦知之效人佯愚王夢見五事正爲是耳王夢見狐上金牀食用金器後世人賤者當貴在金牀上坐食飲重味貴族大姓當給走使良人作奴婢奴婢爲良人王夢見六事正謂此耳王夢見大牛還從犢子下嘍乳後世人母當爲女

作媒將他男子與共房室母任守門從得財
物用自給活父亦同情佯韻不知王夢見七
事正謂是耳王夢見黑牛從四面群來相趣
嗚吼欲闔當合未合不知牛處後世人國主
大臣長吏人民皆當不畏大禁貪姪嗜欲畜
財貯產妻女大小皆不廉潔姪姝饕餮無有
獸極嫉妬愚癡不知慚愧忠孝不行諛諂破
國不畏上下雨不時節氣不和適風塵暴起
飛沙折木蝗虫噉稼使茲不熟帝王人民施
行如此故天使然又現四邊起雲帝王人民
皆喜各言雲以四合今必當雨須臾之間雲
各自散故現此恠欲使下民改行守善持戒

畏懼天地不入惡道貞廉自守一妻一婦慈
心不怒王夢見八事正謂此耳王夢見大陂
水中央濁四邊清後世人在閻浮地內臣當
不忠子當不孝不敬長老不信佛道不敬明
經道士臣貪官賜子貪父財無有反復不顧
義理邊國富忠孝尊敬長老信樂佛道給施明
經道士念報反復王夢見九事正謂此耳王
夢見大溪水流波正赤後世諸帝王國主
當不厭其國興師共鬪當作車兵馬兵當相
攻伐還相殺害流血正赤王夢見十事正謂
是耳盡皆爲後世人之事耳後世人若能心存
佛道奉事明經道人者死皆生天上若作愚

行更共相殘者死入三惡道不可復陳王即
長跪叉手受佛教心中歡喜得定慧無復恐
怖王便稽首作禮頭面著佛足還宮重賜夫
人拜為正后多給財寶恣令施人國遂豐樂
皆奪諸公卿大臣婆羅門俸祿悉逐出國不
復信用一切人民皆發無上正真之道王及
夫人禮佛而去尔時波斯匿王聞佛所說歡
喜奉行

增壹阿含十一法竟

二十五万首盧
其有八十万言

五百五十五聞如是一時也

增壹阿含經卷第五十

松

鈍徒困 嘍初觀 點雨尺 敵徒箭 調上徒吊

端緒下音序 輾音曆又 轍直列 猥烏每 椎直追

反鎧苦亥 徒所綺 脆七歲 夭於小 甜徒添 抑

反意力 緩胡伴 亶許近 捶之委 剥必角 著知略

鋸音據 曰音舅 挑土彫 鑊胡郭 恃上音 怙下音 犢音戶 襍音市 襪

下於檢反 珍琦下音 釜音父 尻反口刀 犢子音戶 讀上音

噉乳上音 作音 嗽音 正音 陂池上音 車騎上音 乘騎

奇音 姬居力 諭音 諂音 饋遺上音 求音 位音 反

稟食上音 悲音 俸祿上音 皓胡老 行賈下音 軍征

下音 不肖下音 啖噉上音 淡下音 效胡教 狐音

嗜欲上音 貯知呂 饕餮上音 鐵音 蝗虫上音 皇

蟲 稼音

